

寶授菩薩菩提行經

卷九

西天譯經三藏朝獻大夫試為僧正明教大師臣法賢奉 詔譯

如是我聞一時佛住廣嚴城大林樓閣中與大苾芻眾千二百五十人俱皆是大阿羅漢諸漏已盡無復煩惱逮得已利盡諸有結除諸重擔所作已辦如大龍王心善解脫慧善解脫得深解脫心達正道調伏諸根威儀詳審唯一補特伽羅尊者阿難受於佛記奉持法藏

復有大菩薩眾一千人俱皆得不退轉地物持法門平等法忍是大智者具大信重言行相應斷諸疑惑面相圓滿亦無聲感常大歡喜具大精進是法王子知法自性說法無倦所說之法離諸戲論化度眾眾發起佛智凡所導利功不唐棄得大忍辱離諸顛倒境界之法滿足十地善知三時明了自性不生不滅永斷纏縛威儀具足證得空三摩地無相三摩地無願三摩地雖出生死常行輪迴不

樂聲聞緣覺之行唯以發起大菩提心應根說法其名曰

慈氏菩薩妙吉祥菩薩辯積菩薩寶手菩薩香光菩薩無邊光菩薩除蓋障菩薩勝義心菩薩得光王菩薩斷一切憂暗菩薩薩哩縛尾沙摩那哩尸菩薩內行菩薩無邊意菩薩具大精進步意菩薩寶海菩薩莊嚴王菩薩具大神通王菩薩無差步菩薩勝意菩薩普滿菩薩阿那縛羅拏那哩尸菩薩常喜菩薩上金光菩薩觀一切法意菩薩阿林嶽馱那羅拘酥彌多菩薩首積菩薩無憂吉祥菩薩須彌藏菩薩觀自在菩薩香自在王菩薩歡喜王菩薩無邊慧藏菩薩持一切妙法藏菩薩師子吼音菩薩如是等大菩薩摩訶薩而為上首  
尔時世尊食時著衣持鉢與二千苾芻眾而共圍繞入廣嚴城乞食是時世尊入城門時以大慈悲現神通力放大光明照耀一切變

廣嚴城而為琉璃令四衢道皆悉清淨其有  
衆生蒙光所照盲者得視聾者得聽瘖瘂之  
者皆悉能言迷惑之者咸得正念天花如雨  
降滿城中天樂自鳴妙音清亮下至阿鼻地  
獄上至阿迦膩吒天其中衆生唯受大樂是  
時廣嚴城星賀里蹉尾王有子名曰寶授年

華九

二

丁

始三歲乳母抱持在於殿上時彼寶授忽見  
光明希瑞之相又聞城中種種異事從其懷  
抱速下於地向乳母前端然而立說伽陀曰  
何人威德力 現此希有相 如俱胝日光  
照曜三千界 其中諸惡趣 一切得清淨  
如是之神通 母速為我說 天兩衆妙花

徧散於佛刹 復成妙傘蓋 懸覆於空中  
十方有異鳥 翔鳴而萃集 男女皆大喜  
異常而嚴飾 盲者復瞻見 聾者還聽聞  
瘖瘂者得語 迷惑得正念 諸醜陋癡惡  
變成妙色相 一切不善人 皆發慈悲心  
何人行世間 發起神通力 此為最上事

母速為我說  
余時乳母答寶授童子說伽陀曰  
功德寶出現 清淨難思議 清淨最上行  
無垢無增減 世尊為眼目 視生如的親  
化行於世間 無親疎分別 為現乞食來  
不住世間相 不染世間法 如蓮花在水

能斷衆生疑 慈悲常利物 衆生所有苦  
唯佛悉能除 稱讚不生喜 譏謗亦不瞋  
無障復無礙 行世如清風 來者世間師  
最上大法王 善解甚深法 明了第一義  
常說中道法 言離於取捨 法句最寂靜  
遠離一切處 智積無我相 最上大福聚

華九

三

善逝世間解 來者無邊相 佛身如須彌  
高顯無倫匹 亦如尼俱陀 上下皆相稱  
其色如真金 晃耀而璨爛 清淨若玻璃  
又如秋滿月 頭頂圓如蓋 髮鬘而紺青  
髻相若螺紋 一一皆右旋 面相如滿月  
湛然而清淨 眉間之白毫 右旋而宛轉

兩目如青蓮 光瑩善觀察  
齒白正齊密 舌相如蓮葉  
鼻高而脩直 額廣而平正  
延慶及於耳 兩耳極端正  
如來梵音聲 清亮如頻伽  
衆生聞者喜 所有緊那羅  
孔雀鵝鷲鷄

鳩鵲拘枳羅 拘那羅鴛鴦  
如是等音聲 及彼諸天樂  
皆不及如來 於十六分中  
項細復圓滿 兩臂而臚直  
具輪螺等相 軟如兜羅綿  
胷臆廣平正 臍輪而深密  
陰藏若馬王

藏覆而不現 乃至二足下  
平滿復柔軟 具千輻輪紋  
如是諸相備 百福悉莊嚴  
一切世間師 常作師子吼  
所出諸言辭 眞實無差忒  
衆生聞者喜 覺悟諸衆生  
應報而啓發

有義利功德 為最上第一 具如是莊嚴  
名為佛世尊 十方世界中 凡聖無有比  
尔時寶授童子得聞乳母說是加陀讚歎佛  
已即白母言云何令我得見於佛佛知其意  
速往宮門現身而立乳母指言斯即是佛寶  
授童子乃於殿上遙見世尊舉手頂禮即作

是念

若有衆生觀見如來如是具足功德之相不  
發大菩提心者難得已利又復思惟經於百  
千俱胝劫中難遇於佛我今值遇甚為希有  
當捨此身而為供養是時童子手持千葉金  
蓮即於殿上投身而下時彼童子佛力所持  
任於空中捧以金蓮用獻於佛是時金蓮離  
童子手乃於佛上虛空之中變成花蓋衆寶  
嚴飾殊妙第一

華九

四

尔時寶授童子即於空中向佛合掌說伽陀曰  
我所獻蓮花 不為斷煩惱 及於一切法  
唯為佛菩提 如菩提不生 非有亦非無

非取亦非捨 我從佛現化 非愚迷所著  
 相與無相等 我離一切相 供養佛世尊  
 所獲諸功德 亦離一切相 今奉獻此花  
 不願證二乘 以彼第一乘 常轉於佛刹  
 尔時尊者大目軋連侍佛之右見是事已即  
 說伽陀問寶授童子曰

如是釋迦佛 汝信重供養 汝何心顛倒

云菩提不生

尔時寶授答尊者大目軋連說伽陀曰

諸法本不生 所施空無為 法性本如是  
 云何有所生 圓頂被袈裟 任於羅漢相  
 如不能知空 佛智何能了 汝若有妄想

供養俱胝佛 雖供如是佛 實為非供養

尊者至於今 猶不斷妄想 汝心當云何

無相稱有相

尔時尊者大目軋連復謂童子曰如來不證  
 無上正等正覺耶亦不說法耶寶授童子曰  
 夫大智者不住菩提相不住如來相諸法性

華九

五

無為法本無有生若如是了知是即知法性  
 不驚不怖捨離親疎無來無去無行無相不  
 住佛法不住緣覺法不住聲聞法亦不住貪  
 法不住瞋法不住癡法乃至不住愚迷眾生  
 無明煩惱等法亦復不住有色無色有想無  
 想有相無相清淨不清淨及身口意平等不  
 平等一切諸法皆無所住

尔時尊者大目軋連又復問言寶授童子如  
 來於阿耨多羅三藐三菩提莫有所證耶童  
 子言不也若有所證即住如來相住菩提相  
 住解脫相若住是相即為愚迷大目軋連言  
 童子我亦無相汝謂有相大目軋連又復告

言童子我前所問為俗諦故童子言大目軋  
 連一切眾生愚迷虛妄乃生諸根不能調適  
 大目軋連言若眾生具足虛妄者法亦虛妄  
 若虛妄者汝云何說童子言大目軋連說法  
 無相是名說法如是說者無有所至亦無所  
 證亦無所知亦無所見大目軋連言童子若

如是者汝今何故供養如來童子言大目軋連汝若如是見如來相見施者相時大目軋連聞童子言已默然而住

尔時童子又復告言大目軋連若復衆生見有是相者不能解脫不得已利遠離如來寂靜涅槃必當發趣聲聞乘也

尔時大目軋連說伽陀曰

童子雖年幼 智慧如大海 經於幾多時

學成無生法

尔時寶授童子答大目軋連說伽陀曰

所學即非學 一切學無性 大智如是學

我學亦如是 汝之所問我 著於衆生相

衆生本無相 諸法不可得 說有菩提相

愚迷非正見 尊者今云何 猶住於諸見

智者於諸見 一切悉清淨 佛法愚迷法

及彼種種法 如是觀皆空 是知諸法性

若住有無相 求證菩提者 法本非有無

菩提云何得 說法無邊際 衆生亦如是

華九

六

不住差別相 斯即名涅槃 如是行輪迴  
師資無所有 此無相法中 智者不迷惑  
愚迷言得證 彼皆住輪迴 無明轉增長  
是即為魔著 安坐菩提場 為示俗諦故  
諸佛之所證 非俗非寂靜 菩提不可說  
遠離見非見 若見如是實 彼能解妙法

尔時尊者舍利弗白佛言世尊此寶授童子從於何時於法修行佛言舍利弗我初發阿耨多羅三藐三菩提心時此寶授童子已證無生法忍經三百千劫

又舍利弗我於往昔然燈佛處得授記時我初證得無生法忍寶授童子於彼法中為大

菩薩解空第一舍利弗復白佛言世尊寶授菩薩何因何緣經如是時不證阿耨多羅三藐三菩提

佛告舍利弗汝將此義自問寶授菩薩必為汝說時舍利弗承佛聖旨即伸問言寶授菩薩言今云何不成佛耶寶授菩薩言尊者阿

稱多羅三藐三菩提不可得故由是我不成  
 佛舍利弗言寶授菩薩於意云何如來成佛  
 莫有相耶寶授菩薩言如來若於菩提有所  
 證者即是取相若取相者即是妄想舍利弗  
 言寶授菩薩汝從今來任何忍何行復以何  
 法化度平等寶授菩薩言我於一法而尚不

華九

七

任何況有四舍利弗汝勿謂我有法說耶證  
 菩提耶是如來耶得解脫耶舍利弗言希有  
 善男子若能於法如是了知汝向於佛宜可  
 出家

今時寶授菩薩說伽陀曰  
 諸有出家者 多著出家相 心妄想迷惑

稱謂有所得 執見於事法 修行布施因  
 欲求無為果 所證即有為 不了無相地  
 見有生不生 得與無得相 謂得甘露味  
 是人於佛法 乃名破法者 如來釋師子  
 說法寂無相 不任心非心 不任性無性  
 若見如是說 是即見佛說 若見有相赤

斯人眼非淨 我見非解脫 智者不應行  
 我見即愚迷 執見有常相 以自有相見  
 謂得於涅槃 不識夢幻性 及皆空無相  
 佛說如是人 是大無智慧 又復調諸根  
 持戒著禪定 起於妄想心 任相迷求果  
 此則法中賊 智者應當知 以斯種種法

我出家何益 法界本湛然 諸法無分別  
 譬如山響等 智者不見相 當任於如如  
 無別有性相 若了如是法 何任出家相  
 今時妙吉祥菩薩告寶授菩薩言云何說為  
 菩提寶授菩薩言離諸語言名為菩提妙吉  
 祥言汝當云何作如是說寶授菩薩言法本

無言故作是說  
 妙吉祥言為初地菩薩當何所說今云何學  
 寶授菩薩言當如是說不斷貪欲瞋恚不捨  
 愚癡不斷煩惱乃至五蘊六處等又復於智  
 慧愚癡不生疑惑不心念佛不思惟法不供  
 養眾亦不持戒不於朋友而求寂靜乃至諸

難亦不越度妙吉祥當為初地菩薩說如是  
法令如是學於意云何亦復不應於是諸法  
而有住相若住相者是為任法彼即愚迷起  
生滅法若於是法說無疑惑即於法界知其  
性也若能如是了法性者是得名為說菩提  
也妙吉祥若有菩薩聞斯法已不驚不怖當

華九

八

知是為得不退轉

尔時會中有八苾芻忽聞說此無相正法心  
不愛樂出於法會吐血命終皆墮阿鼻大地  
獄中

尔時妙吉祥菩薩白佛言世尊云何此八苾  
芻聞此正法乃有如是大惡相耶佛言妙吉

祥莫作是說然此苾芻經十千劫不曾聞法  
不近善友是故今日聞此正法心不愛樂妙  
吉祥此八苾芻當來之世於阿鼻獄中忽思  
正法尋便命終生兜率陀天為彼天子或生  
人間為轉輪王經六十八劫當得承事十那  
由他佛於彼劫後有佛出世號無垢光如來

應供正等正覺彼無垢光佛如我今日任廣  
嚴城廣為人天說法授記時彼天子天耳遙  
聞說法授記即與八萬天子同詣佛所到佛  
所已散眾天花徧廣嚴城供養瞻禮却坐一  
面白佛言世尊我等隨喜樂聞正法願佛為  
說菩提之行時無垢光如來為說正法便令

發起大菩提心彼諸天子纔發心已應時皆  
於阿耨多羅三藐三菩提得不退轉是時廣  
嚴城中有八萬四千人亦於阿耨多羅三藐  
三菩提得不退轉復有千二百人遠塵離垢  
得法眼淨

華九

九

尔時世尊告妙吉祥言假使菩薩於百千劫  
修行六波羅蜜無方便慧不如暫時聞此正  
法何以故聞此正法功德無量何況愛樂聽  
受乃至書寫受持讀誦為他廣說妙吉祥若  
復有人樂求阿羅漢果及樂求辟支佛者於  
此法中不應修學若樂求阿耨多羅三藐三  
菩提者當學此法

尔時寶授菩薩知佛世尊及苾芻眾未有食處乃告乳母可於宮中速取食來用施佛僧於是乳母速取百味飲食盛滿一器授與寶授菩薩菩薩得食即於佛前發誓願言如來之所說一切法無盡斯言真實者此食亦無盡乃至苾芻眾悉令得飽足

尔時寶授菩薩即以飲食盛滿一鉢奉獻佛已告諸苾芻言尊者慈愍我故各各受食又復告言我所施者不以身施不以心施離於三業不求福果不住有為法不住無為法亦不著世法亦復不住聲聞緣覺及佛菩薩時彼苾芻眾無有一人伸鉢受食者寶授菩薩言諸尊者當受此食尊者樂乞我今樂施我於尊者亦無所求時寶授菩薩復發願言佛語真實如妙吉祥及百千俱胝菩薩當來之世於功德莊嚴王佛刹皆得成佛同一名号若真實者今此器中所有飲食今諸苾芻所持之鉢悉皆充滿此器中食願得無盡以願

力故諸苾芻眾各各鉢中自然食滿時寶授菩薩復以器中餘食施廣嚴城中一切人民悉令飽滿器中飲食猶尚不盡

尔時世尊告寶授菩薩曰有五種寶於菩薩行施能令清淨何等為五一者行施無有希望二者於施心無所著三者所施不起於相

四者不見施之果報五者不令受者有所還報佛言復有四種寶行施菩薩應常思念何等為四一者常念空三摩地二者常念於佛三者常念大悲四者常念於己不求果報菩薩若如是行施是為淨施

佛告妙吉祥言此寶授菩薩於當來世過三

十末

十劫得成阿耨多羅三藐三菩提号不空力稱如來應供正等正覺明行足善逝世間解無上士調御丈夫天人師佛世尊出興於世彼佛眾會有無邊菩薩是諸菩薩皆住不退轉地威力無邊壽亦無量尔時世尊及大苾芻眾受彼食已還歸本處

尔時妙吉祥菩薩白佛言世尊當何名此經  
我等云何受持佛言此經名為菩提行亦名  
一切法為首如是受持  
佛說此經已寶授菩薩并諸大眾天人阿脩  
羅乾闥婆等聞佛所說皆大歡喜信受奉行

寶授菩薩提行經

卷九

磧砂大藏經

寶授菩薩提行經

卍

第一〇七册